

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N 01-02/130

ქ. ბათუმი

09 აგვისტო, 2019 წ.

2019 წლის აგვისტოში ბსუ-ს აკადემიური თანამდებობების შესარჩევი კონკურსის ჩატარების უზრუნველსაყოფად გასატარებელი ღონისძიებების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, ბსუ-ს აკადემიური თანამდებობების დასაკავებლად ღია კონკურსის გამოცხადების შესახებ“ ბსუ-ს რექტორის 2019 წლის 11 ივლისის N 01-02/114 ბრძანების საფუძველზე

ვბრძანებ:

1. 2019 წლის აგვისტოში ბსუ-ს აკადემიური თანამდებობების შესარჩევი კონკურსის ჩატარების უზრუნველსაყოფად გატარდეს შემდეგი ღონისძიებები:

1.1. დამტკიცდეს საკონკურსო დოკუმენტაციის მიმღები საპროცედურო კომისია შემდეგი შემადგენლობით:

- ა) მარინა ზაგრატია (ადამიანური რესურსების მართვის სამსახურის უფროსი, თავმჯდომარე);
- ბ) დარეჯან ბარაბაძე - (ადამიანური რესურსების მართვის სამსახურის მთავარი სპეციალისტი).
- გ) ლაშა დევამე (ადამიანური რესურსების მართვის სამსახურის წამყვანი სპეციალისტი);
- დ) ნათია ჯაფარიძე (სამეცნიერო კვლევების სამსახურის მთავარი სპეციალისტი);
- ე) ხათუნა აფაქიძე (იურიდიული დეპარტამენტის მთავარი სპეციალისტი);
- ვ) მარიამ მამულაძე (იურიდიული დეპარტამენტის მთავარი სპეციალისტი).

1.2. საპროცედურო კომისია ვალდებულია:

- ა) საპროცედურო კომისიის სამუშაო ოთახში მიიღოს კონკურსში მონაწილე პირთა საკონკურსო განცხადებები, ანკეტები და შესაბამისი დოკუმენტაცია 2019 წლის 12 აგვისტოდან 15 აგვისტოს ჩათვლით, 10 საათიდან 16 საათამდე (მატერიალური სახით წარმოდგენილი დოკუმენტაცია კომისიის მიერ მიღებული იქნეს მას შემდეგ, როცა დადასტურდება ამ დოკუმენტაციის ელექტრონულად მისამართზე -

bsukonkursi@bsu.edu.ge 2019 წლის 12 აგვისტოდან 15 აგვისტოს ჩათვლით გადმოგზავნა და მიღება);

ბ) საპროცედურო კომისიაში მიღებული დოკუმენტაცია შესაბამის საკონკურსო კომისიას გადასცეს არაუგვიანეს 2019 წლის 15 აგვისტოს 18 სთ-სა;

გ) დარეგისტრირებული განცხადებების შესახებ ინფორმაცია (საკონკურსო ადგილი და კონკურსანტები) განათავსოს ბსუ-ს ვებგვერდზე;

დ) კონკურსანტთა საჩივრები (ასეთის არსებობის შემთხვევაში) მიიღოს შესაბამისი დარღვევიდან არაუგვიანეს მე-3 სამუშაო დღისა (მაგრამ არაუგვიანეს 2019 წლის 22 აგვისტოს) 10 საათიდან 16 საათამდე;

ე) ელექტრონულ მისამართზე - bsukonkursi@bsu.edu.ge) გადმოგზავნილი კონკურსანტთა დოკუმენტაცია შეინახოს ელექტრონულ მატარებელზე და საჭიროების შემთხვევაში მიაწოდოს საკონკურსო/სააპელაციო კომისიას;

ვ) შემოსული საჩივრები, იმავე სამუშაო დღის 17 სთ-მდე გადასცეს სააპელაციო კომისიას;

ზ) სააპელაციო კომისიის თხოვნის საფუძველზე, გამოცხადდეს ამ კომისიის სხდომაზე და მისცეს განმარტებები, თუკი აღნიშნული უკავშირდება კონკურსანტის მიერ გასაჩივრებულ საკონკურსო პროცედურებს;

თ) უფლებამოსილების განხორციელებისას იხელმძღვანელოს „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, ბსუს აკადემიური თანამდებობების დასაკავებლად ღია კონკურსის გამოცხადების შესახებ” ბსუ-ს რექტორის 2019 წლის 11 ივლისის N 01-02/114 და წინამდებარე ბრძანებებით.

1.3. საპროცედურო, საკონკურსო და სააპელაციო კომისიების მუშაობის პროცედურული, ორგანიზაციული და ტექნიკური მხარდაჭერის მიზნით შეიქმნას სამუშაო (საკონსულტაციო) ჯგუფი შემდეგი შემადგენლობით:

ა) ჟანა ჯიბლაძე - თავმჯდომარე (იურიდიული დეპარტამენტის უფროსი);

ბ) გიორგი დიასამიძე (იურიდიული დეპარტამენტის მთავარი სპეციალისტი).

1.4. სამუშაო ჯგუფი ვალდებულია:

ა) საპროცედურო, საკონკურსო და სააპელაციო კომისიების მუშაობის პერიოდში, 2019 წლის 12 აგვისტოდან - 2019 წლის 22 აგვისტოს ჩათვლით (სააპელაციო კომისიის ბოლო სამუშაო დღე), გაუწიოს მათ საკონსულტაციო მომსახურება და მიაწოდოს სამუშაო მასალა (რექტორის ბრძანებით დამტკიცებული ფორმები);

ბ) სააპელაციო კომისიის თხოვნის საფუძველზე, გამოცხადდეს ამ კომისიის სხდომაზე და მისცეს განმარტებები, თუკი აღნიშნული უკავშირდება კონკურსანტის მიერ გასაჩივრებულ საკონკურსო პროცედურებს;

გ) უფლებამოსილების განხორციელებისას იხელმძღვანელოს „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2017 წლის 27 ივლისის N04 გადაწყვეტილების, „ბსუს

აკადემიური თანამდებობების დასაკავებლად ღია კონკურსის გამოცხადების შესახებ”
ბსუ-ს რექტორის 2019 წლის 11 ივლისის N 01-02/114 და წინამდებარე ბრძანებებით.

1.5. ეთხოვოს ადმინისტრაციის ხელმძღვანელს:

ა) უზრუნველყოფილი იქნეს საპროცედურო, საკონკურსო და სააპელაციო კომისიები
წინასწარ გამოყოფილი სამუშაო ოთახებით, რომლებიც აღჭურვილი იქნება
შესაბამისი ინვენტარით;


ბ) განსაზღვროს საპროცედურო/საკონკურსო/ კომისიების და სამუშაო ჯგუფის
წევრების შრომის ანაზღაურების (დანამატის) ოდენობა.

2. წინამდებარე ბრძანება გამოქვეყნდეს უნივერსიტეტის ოფიციალურ
ვებგვერდზე (კონკურსების და სამართლებრივი აქტების ველებში).

3. ბრძანება შეიძლება გასაჩივრდეს ვებგვერდზე გამოქვეყნებიდან ერთი თვის
ვადაში ბათუმის საქალაქო სასამართლოში (ქ. ბათუმი, ზუბალაშვილის ქუჩა N30).

4. ბრძანება ამოქმედდეს ხელმოწერისთანავე.

რექტორი, ასოცირებული პროფესორი

 მერაბ ხალვაში

საინფორმაციო ტექნოლოგიების დეპარტამენტი
იხილეთ

ცხელბაძე